

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA
Upravni odbor**

Broj: 01-100-18-119/24/24
Zenica, 14.11.2024. godine

Na osnovu člana 18. Statuta zavoda zdravstvenog osiguranja Zeničko-dobojskog kantona („Službene novine Zeničko-dobojskog kantona“, broj: 11/16, 9/19) i člana 46. Zakona o zdravstvenom osiguranju Federacije Bosne i Hercegovine („Službene novine Federacije Bosne i Hercegovine“, broj: 30/97, 7/2002, 70/08, 48/11, 36/18, 61/22), Upravni odbor na 18. sjednici održanoj 14.11.2024. godine donosi

**ODLUKU
o načinu utvrđivanja valorizacije osnovice za naknadu plate
i osnovice za refundaciju naknade plate
zbog privremene spriječenosti za rad**

I - Valorizacija osnovice za naknadu plate za vrijeme privremene spriječenosti za rad

Član 1.

[1] Pravo na valorizaciju osnovice za naknadu plate za vrijeme privremene spriječenosti za rad stiču osiguranici nakon tri (3) mjeseca neprekidne spriječenosti za rad, računajući od prvog dana kalendarski idućeg mjeseca po isteku tri (3) mjeseca neprekidnog korištenja naknade plate, pod uslovom da je prosječni porast plata kod isplatioaca naknade plate veći od 5 %.

[2] Ukoliko je dva (2) ili više uzastopnih povećanja pojedinačno manje od 5 %, valorizacija osnovice se vrši kada je kumulativni rast za dva (2) ili više povećanja veći od 5 %, odnosno od prvog dana kalendarski idućeg mjeseca kada je kumulativni rast veći od 5 %.

Član 2.

[1] Odluku o valorizaciji osnovice za naknadu plate za vrijeme privremene spriječenosti za rad donosi isplatilac naknade plate (pravno ili fizičko lice) i ista ima obilježje službenog dokumenta.

[2] Odluka o valorizaciji treba da sadrži:

- spisak svih radnika koji su privremeno spriječeni za rad duže od tri (3) mjeseca;
- datume početka privremene spriječenosti za rad;
- datum prvog dana kalendarski idućeg mjeseca po isteku tri (3) mjeseca neprekidnog korištenja naknade plate;
- osnovice za obračun naknade plate utvrđene u mjesecu koji prethodi mjesecu u kojem je nastupila privremena spriječenost za rad;
- procenat valorizacije;
- izračun prosječne plate poslije i prije povećanja;
- valorizovana osnovica.

[3] Procenat valorizacije se dobije kada se prosječna neto plata prije poreza u mjesecu kada je obračunata i isplaćena uvećana plata podijeli sa prosječnom neto platom prije poreza isplaćenom u mjesecu prije povećanja.

[4] Prosječna neto plata iz stava [3] ovog člana dobije se na sljedeći način:

ukupne neto plate prije poreza	-	neto plate bolovanja				
<hr/>			X	prosječni mjesečni fond sati na godišnjem nivou	=	PROSJEČNA NETO PLATA
ukupni fond sati	-	sati bolovanja				

[5] Odluka iz stava [1] ovog člana u prilogu treba da sadrži dokumentaciju na osnovu koje je izvršen izračun procenta valorizacije osnovice (dokumentacija na osnovu koje je izvršeno povećanje i dokumentacija koja je važila u mjesecu prije nastupanja privremene spriječenosti za rad).

II - Valorizacija osnovice za obračun refundacije naknade plate po osnovu privremene spriječenosti za rad

Član 3.

[1] Osnovica za obračun refundacije naknade plate po osnovu privremene spriječenosti za rad je plata isplaćena u mjesecu koji prethodi mjesecu u kojem je nastupio slučaj na osnovu kojeg se stiče pravo na naknadu plate, a ne više od prosječne plate osiguranika isplaćene u posljednjih šest (6) mjeseci ne računajući mjesec koji prethodi mjesecu u kojem je nastupila privremena spriječenost za rad.

[2] Osnovica koja se valorizira je manji iznos od dvije (2) osnovice iz stava [1] ovog člana. Valorizacija osnovice za refundaciju naknade plate po osnovu privremene spriječenosti za rad se vrši po procentu iz Odluke iz člana 2. stav [1] ove Odluke.

[3] Zahtjevi za priznavanje refundacije naknade plate po osnovu privremene spriječenosti za rad podnose se na 80 % odnosno 100 % valorizovane osnovice za refundaciju naknade plate.

[4] Ukoliko je 80 % odnosno 100 % valorizovane osnovice manje od najniže plate Federacije Bosne i Hercegovine po posljednjem objavljenom podatku, refundira se najniža plata Federacije Bosne i Hercegovine pod uslovom da je poslodavac isplatio najnižu platu.

[5] Ukoliko se najniža plata poveća u toku trajanja privremene spriječenosti za rad, zahtjev za refundaciju se podnosi na važeću najnižu platu pod uslovom da je poslodavac isplatio najnižu platu. Ukoliko poslodavac nije isplatio najnižu platu refundira se iznos koji je poslodavac isplatio.

[6] Najviši iznos naknade plate koji se refundira je prosječna neto plata Zeničko-dobojskog kantona ostvarena u periodu od I - IX prethodne godine, objavljena u Mjesečnom statističkom pregledu Federacije Bosne i Hercegovine po kantonima na službenoj stranici Federalnog zavoda za statistiku.

[7] Kada federalni ministar finansija propiše nove osnovice za obračun doprinosa određenih obveznika (samostalne djelatnosti) refundacija naknade plate se vrši na novu osnovicu na koju je obveznik izvršio uplatu doprinosa u skladu sa odredbama Pravilnika o refundaciji naknade plate za vrijeme privremene spriječenosti za rad na teret sredstava Zavoda zdravstvenog osiguranja Zeničko-dobojskog kantona. Obveznici iz ovog stava nisu dužni dostavljati Odluku o valorizaciji iz člana 2. ove Odluke. Najviši iznos refundacije plate za obveznike iz ovog stava je prosječna neto plata Zeničko-dobojskog kantona ostvarena u

periodu od I - IX prethodne godine, objavljena u Mjesečnom statističkom pregledu Federacije Bosne i Hercegovine po kantonima na službenoj stranici Federalnog zavoda za statistiku.

[8] Uz zahtjev za refundaciju naknade plate po osnovu privremene spriječenosti za rad potrebno je dostaviti Odluku o valorizaciji osnovice sa prilogima iz člana 2. stav [5].

Član 4.

Ova Odluka stupa na snagu danom donošenja.

Član 5.

Stupanjem na snagu ove Odluke prestaje da važi Odluka (broj: 01-100-41-588/08 od 22.05.2008. godine).

DOSTAVLJENO:

12x Poslovnice Zavoda;

1x Direktor;

2x Pomoćnici direktora;

2x Služba za pravne i opće poslove (U.O);

1x Služba za finansijske i računovodstvene poslove;

1x Arhiva.

**PREDSJEDNIK
UPRAVNOG ODBORA**

doc. dr. med. sci. Anhel Koluh
specijalista opšte hirurgije

